



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Perfectæ vir sapientiæ.

**urn:nbn:de:hbz:466:1-14259**

A Archimede loquitur: *Ejus mens, ait, rationibus aggrandis exquirendus, alebatur, cum oblectatione soler-  
tia, qui est unus suavissimus passus animorum. Idem pasci se Fausti bibliotheca alibi dicit. Alibi con-  
templationem, Animi pabulum vocat. Alibi se vorare literas profitetur.*

## SACER SCRIBA. CAP. III.

U<sup>U</sup>ero cribrum etiam expediemus, ex ejus hieroglyphico Aegyptii sacrum etiam scribam intel-  
ligi volebant: ea enim nuncupatione eos, qui futura praefagiret, appellabant, uti Prophetam He-  
braei. *Videntem.* Nam veluti cribrum utilia ab inutilibus disjungit, ita per signa quaedam sacerdotibus  
illis, mortem a vita discernabant. Et *ἄνθρωπος* dici solitum de iis, quae vera compertaque videren-  
tur. Sane librum Horus apud Aegyptios fuisse tradit, qui Ambres nuncupabatur, divinationum ple-  
nus, ex quo praecipue decumbentem aegrotum, utrum victurus necne, an moriturus esset augura-  
bantur: idque ex aegrotantis decubitu praecognoscebant. Nam & alii plura id genus observarunt, uti  
fimbriarum in lodice complicationes, advenientes moleste ferre, eorum conspectum averfari, obtu-  
tus solito torviores: & alia, non tamen cum arcanis illis conferenda. In antiquis Hebraeorum scri-  
tis mentionem invenias de libro quodam arcana, in quo scripta designataque essent omnia, quae u-  
niverso mortalium generi eventura sunt: adduntque eum & Adamo divinitus ostensum, atque et-  
iam Moyfi: sed haec illi supremi Numinis aspiratione accidisse crediderim, oraculumque hujusmodi  
ob quandam docendi similitudinem Librum appellatum. Hinc sapientissimi viri Maronem volunt  
ad hujus quasi libri formulam dixisse illa super Aenea futuro successu:

*At pater Anchises penitus convulle virenti  
Inclusas animas, superumque ad lumen ituras  
Lustrabat, studio recolens, omnemque suorum  
Forte recensabat numerum, charosque nepotes,  
Fataque, fortunisque virum, moresque, manusque.*

Aeneid. l. 6.

Nam & Romani, dum a fando fatum dicunt, edicta decretaque hujusmodi, veluti relata in deorum  
acta intelligere visi sunt.

## PERFECTAE VIR SAPIENTIAE. CAP. IV.

A<sup>A</sup>lii dicunt per cribrum consummatum virum significari, sapientem quippe, qui de divinis hu-  
manisque rebus sciat apposite disputare, quod veluti ejus instrumenti munus est a pludas a fru-  
mento fecerere: ita doctrina, rerumque usus & experientia faciat, ut bonum a malo, rectum a cur-  
vo discernamus, ut merito a Marone dictum sit, Mystica vanus Iacchi. Huc nonnulli trahunt Anti-  
sthenis dictum, Absurdum esse lolium a tritico non repurgare, hoc est, inutiles cives non fecerne-  
re ab utilibus, milites ignavos a strenuis, quod dictum alibi latius interpretati sumus. Apud Gale-  
num proverbium est, *Stulti ad cribrum*, cum illi notantur, qui rem aut negotium, quod vires exuperat,  
aggrediuntur: non enim stultorum est naturae secreta investigare. Quamvis alii putant id ideo di-  
ctum, quia si Thessali velit errores omnes corrigere, vel dictione prosequi, numero superatus in-  
fomma proverbii decidat, quod est, Stulti ad cribrum, hoc est, Stultorum conatum esse velle singu-  
lato totius cribri foramina obturare. Apud nostros D. Joannes Praecursor, doctrinam caelestem sum-  
mam sapientiam in Christo praemonstraturus, in hanc sententiam clamat: *Ventilabrum in ejus est ma-*  
nus (sunt qui cribrum eadem omnino sententia transtulerunt) *arēam itaq, suam purgabit, ut quae nullius  
sunt fructus, a fructuoso discernat, triticumque in horreum condet, paleas vero igni exuret inextinguibili.*  
Cujus mysterii significatum, ne nos morosi simus, late explicatur ab Adamantio cap. in Lucam 3.  
homil. 26.

## TERMINUS, METAVE. CAP. V.

P<sup>P</sup>er idem, quod superius posuimus hieroglyphicum, terminum etiam metamve significari prodi-  
tum, propterea quod is, qui strenue decurso spatio profecerit in literis, ad tranquillum jam vita  
portum applicaverit, eumque scias posse demum habere vitae suae modum, neque hallucinari amplius  
in iis, quae mortalium generi accidunt malis. Ita is omnium quae sunt, quae fuerint, quae mox ventura  
trahantur, cognitionem assecutus est, ut undecumque prudentissimus effectus, neque secundis intum-  
mescat